

# Pangkalahatang Mga Tagubilin para sa Pagsubok sa Mga Kakayahan

Basahin ang mga tagubilin na ito habang ikaw ay naghihintay upang kunin ang iyong Pagsubok sa Mga Kakayahan. Ang card na ito ay kailangang ibalik sa Evaluator na siyang magbibigay sa iyo ng pagsusulit.

## **Kapag ikaw ay tinatawag papunta sa Silid ng Pagsusulit (Testing Room), ang Evaluator ay:**

- hihiling na tingnan ang iyong identipikasyon.
- ililibot ka sa buong silid upang iyong makita ang mga suplay at kasangkapan na kailangan para sa pagsusulit.

Para sa Pagsubok sa Mga Kakayahan, ikaw ay gaganap ng tatlong kakayahan na maisasagawa mo sa pangangalaga sa kliyente. Habang isinasagawa mo ang mga kakayahang ito, ang isang Evaluator ay mag-oobserba at magtatala ng iyong pagganap. Ang mga kakayahan ay isasagawa alinman sa isang kandidato na gumaganap sa parte ng kliyente o sa isang manekin. Dapat mong tratuhin at magsalita sa aktor o sa manekin na siya ay parang totoong kliyente.

## **Bago mo kunin ang iyong pagsusulit, ang Evaluator ay:**

- magbibigay sa iyo ng card na may talaan ng mga kakayahan na iyong isasagawa para sa iyong pagsubok kasama ang mga tagubilin para sa bawat kakayahan.
- basahin sa iyo ang mga tagubilin para sa bawat kakayahan. (Ang isang interpreter ay tutulong kung kumukuha ka ng pagsusulit na hindi sa wikang Ingles.)
- sasabihin sa iyo kung kailan mo kukunin ang iyong pagsusulit at kailanman mo gagampanan ang papel ng kliyente para sa pagsusulit ng ibang kandidato.

## **Para sa pagsusulit sa mga kakayahan, ang kliyente:**

- ay ikinukunsiderang alerto sa pag-iisip at nakikipagtulungan.
- ay maaaring may pisikal na limitasyon sa panahon ng ilang mga kakayahan.

## **Kapag ang kliyente ay isinasadula ng isang tao (hindi manekin), ang tao:**

- ay pinapahintulutan lang na magsalita upang sumagot sa iyong mga tanong.
- maaaring kumilos at tumulong sa pagkikilos.
- gagalaw lang kapag sinabihang gumalaw.

## **Kapag isinasadula mo ang papel ng isang kliyente, ikaw:**

- ay ang isang kliyente na alerto at nakikipagtulungan at nakakagalaw at sumusunod sa mga tagubilin.
- dapat gagalaw LANG kapag hiniling na gawin ng kandidato.
- dapat magsalita LANG upang sumagot sa tanong na tinanong ng kandidato.
- maaaring tumanggap ng mga espesyal na tagubilin mula sa Evaluator tungkol sa iyong papel bilang kliyente.
- HINDI maaaring tumulong sa ibang kandidato s anumang paraan. Kabilang dito ang pagbibigay ng pahiwatig sa pamamagitan ng paggamit ng mga salita, signal, o ekspresyon ng mukha. Ang uri ng asal na ito ay ikinukunsidera na pandaraya at ang dalawang kandidato ay tatanggalin mula sa pagsubokt nang hindi tumanggap ng mga resulta ng pagsusulit. Ang mga insidente ay iuulat sa Department of Health ng Washington.

## **Ito ay ilang mga punto na iisipin habang kinukuha mo ang Pagsubok sa Mga Kakayahan:**

- Kailangang aktwal mong isasagawa ang mga kakayahan.
- Kailangan mong isagawa ang mga kakayahan sa kaayusan na ang mga ito ay nakatala sa Kard ng tagubilin na ibibigay sa iyo ng Evaluator. Maaari mong muling basahin ang Kard ng Tagubilin sa anumang oras sa panahon ng iyong pagsusulit.

**Tingnan ang likod ng kard upang magpatuloy sa pagbabasa →**

- Basahin nang mabuti ang mga tagubilin para sa bawat kakayahan. Para sa pagsubok na ito, ikaw ay magkukunwari na nagtatrabaho kasama ng isang kliyente sa lahat ng tatlong kakayahan, kahit na ang isang aktor ay maaaring gumana para sa isang kakayahan at ang isang manekin ay gagamitin bilang kliyente para sa ibang kakayahan. Sa ilang kakayahan, ang mga tagubilin ay magbibigay rin ng partikular na impormasyon tungkol sa mga abilidad o limitasyon ng kliyente. Halimbawa, sa kakayahan sa pagbibihis, ang aktor ay kakatawan sa isang kliyente na may mahinang bahagi. Ang espesyal na pisikal na limitasyong iyon ay mailalapat lang sa kakayahan sa pagbibihis. Ang mga espesyal na tagubilin tungkol sa mahinang bahagi, ay hindi mailalapat sa kliyente sa iba pang dalawang kakayahan.
- Ang mga suplay at kasangkapan na kailangan upang isagawa ang mga kakayahan ay nasa silid ng pagsusulit. Kung may isang bagay na hindi mo mahanap, magtanong sa Evaluator.
- Kapag matapos mo na ang isang kakayahan sabihin mong, "am done."
- Kung sa palagay mo ay nakagawa ka ng pagkakamali sa panahon ng isang kakayahan, kailangan mong sabihin sa Evaluator na ikaw ay babalik upang gumawa ng isang pagtutuwid. Maaari ka lang gumawa ng pagtutuwid sa isang kakayahan na iyong isinasagawa. Kapag sinabi mo nang tapos ka na sa isang kakayahan, hindi ka na maaaring bumalik sa kakayahang iyon.
- Kapag ang Evaluator ay nagbibigay sa iyo ng Kard ng Tagubilin, sasabihan ka kung ilang minuto mo kailangang kunin ang pagsubok. Ang dami ng oras ay batay sa mga kakayahan. Ang Evaluator ay magsisimula sa pagbilang sa oras nang ikaw ay magsimula sa unang kakayahan, at ikaw ay sasabihan kapag ikaw ay may nalalabing limang minuto bago magwawakas ang iyong pagsusulit.
- Kapag matapos ka sa huling kakayahan, itatrato ito na parang ikaw ay tapos na sa pangangalaga sa kliyente para sa araw na iyon.
- Sa panahon ng pagsubok, kung ang Evaluator ay may pag-aalala kaugnay ng kaligtasan, ihihinto ang pagsubok ng kakayahan, at wawakasan ang kakayahang iyon.
- Ikaw ay kumukuha ng pagsubok ng estado. Ang Evaluator ay hindi pinapahintulutan na tumulong o magturo sa iyo, o talakayin sa iyo ang iyong pagganap.

**Kapag nagwakas na ang iyong pagsubok, ang Evaluator ay:**

- magpapasok ng datos mula sa iyong pagganap sa mga kakayahan sa computer, na siyang magbibigay ng puntos sa pagsubok.
- magbibigay sa iyo ng ulat ng iskor.

**Kabilang sa iba pang pangkalahatang tuntunin para sa pagsusulit na ito:**

- Ang mga pangrekording na aparato, cell phone, pager, PDA o kamera ay kailangang patayin at itago sa panahon ng iyong pagsubok.
- Anumang personal na mga pag-aari na nasa iyo ay kailangang itago sa silid ng pagsusulit at hindi ka papahintulutang makalapit sa iyong mga pag-aari sa panahon ng pagsusulit.
- Ito ay pagsusulit na sarado ang aklat. Hindi ka pinapahintulutan na gumamit o tumingin sa anumang mga nakatala, aklat o sa bulletin ng kandidato sa panahon ng pagsusulit.
- Walang ibibigay na oras ng pamamahinga sa panahon ng pagsusulit na ito.
- Maliban kung ikaw ay rehistrado na kumuha ng Pagsubok sa Kakayahan na hindi sa wikang Ingles, kinailangang magsalita ka LANG sa wikang Ingles, ikaw man ay kumukuha ng pagsusulit o gumaganap na kliyente.
- Ang iyong pagsusulit ay wawakasan at ikaw ay tatanggalin kung ang iyong ugali ay bastos o nakaka-istorbo. Tatanggalin ka rin kung ang Evaluator ay may rason na maniwala na ikaw ay nagpapanggap na ibang tao o kung ikaw ay pinagdududahang nandadaya.

Magkakaroon ka ng pagkakataon na magtanong tungkol sa mga tagubiling ito pagkatapos magbigay ng Evaluator ng oryentasyon sa silid ng pagsusulit.